



21. september 2016

Inatsisartut suleriaasianni § 37 naapertorlugu matumuuna imaattumik apeqquteqaatinik saqqummiussivunga:

**Tele-kut tunisassianik unammilleqatigiinnermut tunngasunik Naalakkersuisunut apeqquteqaat:**

**1. Internet-mut niuernerq unammilleqatigiinnerup eqqutereerneraniit qanoq allanngortigaa?**

**2. Internet-kut unammilleqatigiinnerup kinguneranit avinngarusimasasut eqqugaanerlutik?**

**3. Tele-kut kiffartuussinerit unammilleqatigiinnerup kingunerinik avinngarusimasanut pilersuisussaataanerup aqqanik nalimmassarneqarsinnaanerlutik?**

**4. Attaveqaatitigut tele-kkullu kiffartuussinerit siammaannerisigut Tele Greenland-mut pisussaaffiliisinnaanarluni suliamik pingaarnersiuinissamut, taamaasilluni asuli nalimmassaanerit pinngitsoortinneqarlutik?**

(Inatsisartunut ilaasortaq Justus Hansen, Demokraatit)

**Tunngavilersuut:**

Sanaartornermut ataatsimiitsitaliami amerlanerussuteqartut aaliangerpaat Tele-kut unammilleqatigiinneq ammaanneqarnissaa unitsinneqarallassasoq. Misissuititsineq inuiaqatigiit aningaasaqarneranut kingunissaa branche-mut attuumassuteqartunit Tele-llu aqutsisoqarfianit suliarineqarsimasoq Naalakkersuisuniilli qinnutigineqarsimasoq isornartorsiorneqarnera pineqangaatsiarsimavoq.

Misissuisimaneq ilaatigut isornartorsiorneqarsimavoq, atuisut pissusaat nunat tamalaat aallaavigimmagu kalaallilu nunaat nunanit allanit allaanerunera tunngavilersuutigineqarluni. Demokraatit tamanna pillugu isumaqarput, siunertamut pingaaruteqartoq paasissallugu internet-kut nioqputinik niuernermit unammilleqatigiinneq eqqunneqarmat atuisut pissusaat qanoq allanngortigisimanersoq pitsaaqutit ajoqqutillu unammilleqatigiinnerup kingunerisimasai.

Ersoqatigiinneq eqqartorneqangaatsiarsimavoq tamannalu unammilleqatigiinnermut illuatungilersuutigalugu, avinngarusimasullu unammilleqatigiinnermit eqqugaaratarsinnaanerit pineqarluni. Taamaatumillu aamma paaserusupparput internet-kut unammilleqatigiinneq aammaannerannut Sanaartornermut ataatsimiitsitaliap mobiilikkut kingunissat taakkartugaat assigalugit kingunerisimaneeraat.

Aappaattut unammilleqatigiinneq unitsinneqarallarnissaannut tunngavilersuutigaat attaveqaatigiinnermut sanaartornissaq unikaallatsinneqariaannaanera. Ullumikkut aningaasat attaveqaatinik



sanaartornermi iluanaarutit pisarnermit annertunerusumik mobiilikkut niuernermit aaneqartarput. Paaserusupparput pissusissamisoornersoq aningaasat aaneqassasut niuerfik pitsanngorsarneqarsinnaasoq, taamaasilluni inuiaqatigiit, atuisut, suliffeqarfiillu iluanaarutissaagalui pinngitsoortillugit taamaattorli nuna tamakkerlugu atorlugit, attaveqaatit pioreersunut. Inuiaat attaveqaatinut pisariaqartitaminut akileraarutitigut akiliisarput, aammalu

ersinngitsumik akileraartarput tele-kut sullissinermut atuinikkut. Upperaarput pineqartut immikkoortinnerini pitsanngorsaanerussasoq, pissutigalugu niuernermi ataqatigiinneq sammineqarani taamaattorli sullisseriaasini pingaarnersiunerme pingaartitsineq sammineqarnerulerluni.

Akissuteqaat ullut qulit suliffiusut iluanni piumaneqarpoq.